



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Macarius Patriarcha. 10. Aprilis.

urn:nbn:de:hbz:466:1-41940

232 VITÆ SANCTORUM. 10. April.
nulli hominum nisi Zosimo visa. Is divi-
no ductu ad eam venit, & vitæ seriem,
quam dedimus, audivit; cum sacro dein
epulo revisit, quod ut caperet M A R I A,
per Jordanem sicco vestigio advolavit.
Ita puram cùm undæ jam probassent, se-
cundò redux defunctam in arena offendit:
anxio verò de sepultura leo superven-
nit, & fossam unguibus dedit, æternum
non tam poenitentis, quàm miserantis
M A R I A monumentum. Ex vit. PP.

*Si criminum immanitate turbatus, si con-
scientiæ fœditate confusus, si judicii horro-
re perterritus, si baratho desperationis ab-
sorptus es, Mariam cogita, Mariam invoca:
non recedat à corde, non recedat ab ore.*
S. Bern. serm. sup. Missus.

S. MACARIUS PATRIARCHA.
10. Aprilis.

M A C A R I U S Armenus Patriarcha
Antiochenam sedes beavit, sed mul-
tò magis pauperes, quos unos illi domi-
ni Palatinos, foris anteambulones ha-
buit. Ob id, & quæ jam tunc patrabat
anira, ne in ore omnium esset, omnium
oculos fugit, &, sub quo lateret igno-
bilis, sepulchrum Christi petiit. Sed Sa-
racenorū scelere ad ipsa ossa usque lace-
ra virtus, & tribus clavis pavimento af-
fixa, pressaque pectus ignitō saxo, ut ferè
solet, se ipsa podidit: prodidere Angeli in
auxi-

10. April. VITÆ SANCTORUM. 233
auxilium missi, ipsique jam hostes MACARIUM, & quod caput est, in MACARIO Deum agnoverunt. Interea parentes suum esse dedecus arbitrati, orbam filii infulam filiumque exulem videre, mittunt, qui aut verbis, aut vi adducant. Et jam parabant hanc illi. Sed cælo pugnante capi oculis manibusque, quas ad facinus extenderant, MACARIO se dediderunt. Hic cruce, quæ illi scipionis loco serviebat, oculos & manus reddidit, itaque expeditus exul orbem deinde pererravit, Bojariæ quoque hospes, demum Gandavum in Flandriam pervenit, relictis ubique symbolæ loco ingentibus miraculis, quæ unico suo scipione dedit cruce insignito. Flandriam cum ditissima lues popularetur, sese cum gemino socio vicariam urbis victimam morti objecit, A morte geminum circumlum cæli ostenderunt & crucem in altero, ut sciremus, quò crux scipio illum abduxisset. Sed nūmne MARIAM amavit? Non nisi in cryptâ eidem dicatâ sepeliri voluit. Et verò ubi mollius ossa nostra jacarent, quām in sinu MARIAE? Ex Sur. C. Ray. S.

Bonum mihi Domine tribulari, dummodo ipse sit tecum, quam regnare sine te, opulenti sine te, sine te gloriari. Bonum in tribulatione magis amplecti te, in camino habere te tecum, quam esse sine te vel in calo.
S. Bern. serm. 17. Qui habit.

P. 5

S. STAN-